

هه ناسيپين ءاخي



د. عارف حيتو

# همناسين ځاځي

شعر

ناٲى كٲىٲى:

بابهٲ:

نٲىسه ر:

دیزاین و ده رهٲىنانا هونه رى:

كه ٲالٲن به رگى:

ٲىراز:

ژمارا سپاردنى:

چاپ:

هه ناسه ٲىن ناخى

شعر

د. عارف حىٲو

ئه بوبه كر مه لا

هونه رمه ند فه مى بالابى

٥٠٠ دانه

D / ٩٣٢٢ / ٨١

چاپا ئىكى - ٢٠١٨

چاپخانه ى شه هاب - هه ولىٲر

شہرقانہ کی ل ہیقیا بارینا بارانی



شهر.. شعرهکا ئەزمان رهش و بن پەردەیه، د ههستین مندا د مه‌لصیت و  
 قۆلکانه‌کا نه چاقه‌ری ب رووی ناختیقه دپه‌قیت. گولدانه‌که نه پیتی بووی، ل  
 بالکۆتا من، یه‌مایه ل به‌ندا بارانی.. باران هه‌یرانه‌کا دلسۆژا ده‌شتا هه‌ولیره، جار  
 که‌نینی دکه‌ته پالتۆی هه‌یی و جارنا روندک ل سهر جه‌نده‌کی من دکهن گیره.  
 ئەز په‌یقه‌کم د چاقی دیتنیدا دین و هار، گولاقه‌کم ب پرچا خه‌وئیه با و بوهار،  
 ریه‌ره‌کم ب دانگا چیا یقه هه‌رده‌م یار... ئەز ئەزه‌کم هه‌لاویستی ب لیاقین  
 جه‌مدی و سار.. وه‌ک ره‌به‌نی پار و پێرار.. وه‌لی گهرم یا د گه‌هیته خوین و  
 هه‌ستی و ده‌فا خه‌لیفه‌ی یا شکه‌ستی.

گهر سه‌ربازین چه‌جای یین، هه‌یرشکه‌نه مالین ته‌نا و ده‌ستی وه‌لاتی بېرن  
 و تورکه‌ن، ته‌ف عاشقین نه تی و نه ژ، ل بن پی یین جزیه‌ شپکه‌ن.. هه‌ر  
 خه‌ونه‌کا هه‌شتا نه که‌فتیه‌ خه‌فکی، ب ساخی بگورین و بن گۆرکه‌ن.  
 ما دی چه‌وا تهنه‌گ ب دیواریه‌ مه‌ت بن؟ ما دی چه‌وا کولیک ب سینگی  
 ئۆمیدیه‌ به‌ت بن؟!

دیم من به‌خه‌یی میری مرادا و ئەله‌ستا ری و به‌قین، کانیکا عه‌شق و ئەقین،  
 به‌یتاری دهری برینی کو دی فه‌که‌ت دهری ژینی... مه‌حاله ریکا زفرینی ژبه‌ر  
 ریه‌رتنا که‌فچه‌ک خوینی.

شهر.. شعره‌کا ژ نشکافه و بن سه‌لیقه..

دادده‌ته سهر بیستاین مه‌ و ل هه‌مه‌ری راستی و ره‌وانی زه‌هیه‌. هه‌ر سواره‌کی  
 سه‌ری خوه ب زینی فه‌نای و ناشۆپه‌کا ئەفیۆناوی، ب پینگا قین خۆفه رانای...  
 شه‌به‌حه‌کی کارتۆنییه و په‌له‌تیقه.

ئه‌گه‌ر هات و ئالاین ره‌ش ل هنداقی داران بلند بوو، ما بۆ چنه ئەف هه‌می  
 جه‌ژن و په‌لین گه‌شاهه و به‌ریقه؟!....

## شەھەرەزادە.. ل بەرئ سەیدئ

شەھەرەزادئ بێژە.. بێژە  
بێژە چیرۆکێن عەشقا دوتمیر و شقانێن شەیدا  
مێرانی یا سوارچاکێن نە سەتمی بۆ مە بێژە  
سەربۆرێن وەغەرا دوور و خەمێن کوور ژ دلی ب رێژە  
ستەمدیدە بێن ل مەیدانی پر ئۆمێد و نە بوغومی  
وەکو ئاقئ... گوللە ددەستاندا د رزێن  
خەشکەستین تۆزئ گرتی، ل بەر پینگاقان دقەشیین  
بێژە خاتوونئ خوش بێژە..



هېشتا خهوى هور نه كړييه بهر چاڅين من  
 چيروكه كا سهرنجر اكيښ و سهير بيژه  
 نهغه ژ ميژه... نه ز كه فتنى نه جنقيم!  
 ب سهر كه فتنى نه برسقيم..  
 هنده نه لند دى هه لپت و روژ دى سينگى تاريى  
 پريت  
 هېشتا نالينا برينان، ل شهر گه هى سترانه كه  
 ب لولى يين تفهنگان ديژن و  
 هيقى يين كه سك لى قه دگيرن  
 نوو ل داويى..  
 نهوا ل سهر سفرى د مينيت بهس قريره.

.....

شه هره زادى دهستين خوه شووشتن و هموو ههستين خوه يين  
 گوماناوى ب ديتنيقه قه كوشتن... دهنگه كى كوور ژ ناخى وى د هات و  
 دگوټى: شهر نه چيروكه كال سهر ماتانيه كو ب بسته هى بهيته دارشتن  
 و خوين... نه ناهه كو ب سانا هى بهيته رشتن.

د. عارف حينو

د. عارف حينو

## بارانا سوڙ

ژ که فن وهره... من عشقه کا ئاهوڙایي  
دگهل چپکین بارانی هه یه و ژ دل دئه قینم  
ههر چپکه کی جزووره کا شه ی هه یه  
ددلی مندا و هیقیه کا که سک ب ریقه دینم  
من ژ دل دقیا ره یین بارانی قه گرم



ل سەر سینگى وه لاتەكى گەنج بچینم  
 یان وه لاتى د چىكىن گەرمدا فه ژینم  
 لى چىكىن سوړ هەمى پلانا من تىكدا  
 نه چارم كو حەزا خوە یا ناگر پیقه و  
 تەف سوارین ئاریایى یى یین هیشتا ب ریقه  
 ل سەنگەرەكى قیت و «ژ پیرقه»  
 ل شنگالى ب ئیورینم.

.....

شنگال تورینه کارو ب کەن و سەیرانییه. بە خجەیه كى مشتی گولین ژ  
 دەهه مه نا یەزدانییه.

خاتوننا فه خرا... ل فیره بو بووک و پیروژ بو.

خە فۆزى ریا.. سەر وه ریسى ریکا گرت و هەر ریکە کارو و درێژ دناف  
 چافین ویدا هەلگرت. تەف سەریازین لوتفی پاشای.. وه کو سپه هان ژ  
 پرچا خاتوونى کەفتن، هەر چه پەرى ب سینگى دەشتیقه ئافز بووی،  
 هەرفتن و شکهستن. مه هه مه د ره شا باران باراند..

کەوه كى خورت سەبه قەه کارو ژيانى ب کوردی خواند.

هه ماسين  
 كى

## دلّی من میٰ فیّره د فریت

تیرۆژکیڼ روژی تیر تیره...  
ئهنیا گهنجین بهر خودایی ل شه رگهه  
تهواف دکهن و گهزا لی ددهن  
ئهنیا من ل بهر کهلا ههولیر  
خوه ژئی دباریت و دلّی من  
ل ئاسمانهکی بهردریایی فرهه دفریت  
بو وی مالا ئهوهی دوهی سهمیانی وی نه زقری مال



بۆ وى دايكا نه گه هشتى گوله كا گه ش  
دانىته سهر سىنگى كورى خوه يى شهيد  
بۆ وى له شى تىكدا بووى چال  
بۆ به لاتىنكىن كه سك و زهر  
بۆ وان نارىنن دهر ب دهر  
بۆ وى خه ما هه رفتى يا د چاقىن شه رقاناندا ئه زدهر  
دل من يى فيره دفرىت  
توخىين چىكرى دبرىت  
ئوول مهيدانا خوه و خوئى...  
مينا پلنگى هار دنرىت.

\*

## خاتر خواستن ژ دايكې

- دايي ټه ز دى چمه شهري  
دا پاراستى بيت سهروهرى  
گهر شهيد بووم  
بهه شتيمه، نه كه گرى  
- لاوو ههره خودى دگهل ته  
سهركه فتن بيتن ريكا ته  
ټه گهر تهرمي ته بو من هات



هيڏي د ڪم، وهڙ نه بينم  
 ڪو گوللھيان سمت پشٽا ته  
 - داين شھر مه ڦي نه بيٺه  
 ما ڪوري ته هند يي گيٽه؟!  
 ڪو پشٽا خواهه بدھت دڙمني  
 سينگي من ٻو گوللا نيٺه.  
 .....

گوزي سھري عھمي دانا سھر چوڪي خواهه و خه يالا وي بهر ب ميٺا نيٺه  
 د فري... پاش ته به قال ئاسماني ههفتي بري، كهفته سھر ته رمي جوان  
 و نوز نوز دڪره گري. ما تا كهنگي گهنج دي ئاخي ب خويئي ئاڦدن؟..  
 ٻوچي هه ردهم ريٽگهه ڙ دهستين خورت باز ددن؟...

ئه ڦه سينگي من، ئه ڦه هه ستا من، ئه ڦه چاف و هيڏي يين من.. ديارينه  
 ڙيو ڏوڙي. لي ڪا سوارئ هه سڀي ٻوڙي؟... دهمي ڙ ڪوماي هشيار بووي،  
 وهسا ديت ڪو هه موو داڪي يين بووينه گوزي.....

## ژفانئ درهنگ

ب ناقئ هه می خوداقه ندا و  
ل بهر چاقئ تهف ئایینان  
پۆستاله کارهش و ب سهنگ  
سورگولین گهش د هه رشینیت و  
سیققین زهرین بهر به ته نا گرئیل دکهت  
ل ژفانئ مه دکه ته درهنگ.

\*



د. عارف حیثو



## هیشیہ کا کہل

ہہ کو ئہز ہیشتا سنیلہ..  
من ہیشیہ کا کہل د دلج ساردا ہہ بوو  
کو یارہ کا چا قکہ سک دی ہیت  
ل «کانیا مالاً» دی خوہ ژ توژی تہ عمید کہین و  
ل «بہری سیلی» دی بینہ جووت  
لج ئہو ہیشی.. ل ژیر پوستانلا سہربازہک خورت  
غہوارہ بوو!

\*

## ئەيلوول

بەلگىن زەر... ھەيھەتەكا ھەي  
وھك سەربازىن ب سەركەفتى ژ شەرى زقرين  
دارىن پىق رويس, شەھوھتەكا ھەي  
وھك ژيانى ھەكو ب بەلگانقە دبىت ھەيىن  
دەمى.. خوين ھەيقانە ژبەر روژى دچىت  
بەلگىن وھرياي ب دايبى يىن قرىژقە  
دبنە ئۆمىد يىن مشت ئەقىن.



## سترانا روندکین قه تیسگری



## تەف رۈندكە چەند ژ چاقىن من يىزارن

هەكۆ پېشمەرگە.. ھېرشى دكەت و  
دژمنى درندە پاشقە دبەت، گريا من دەھىت...  
هەكۆ پېشمەرگە د رەڤىت و پاشەكشى دكەت  
گريا من دەھىت

هەكۆ زارۆكەكى ئاوارە ل زاخۆ  
ھەمى قىژى يىن قى دونيايى  
دكەتە كورك و دكەتە بەرخۆ

گریا من دهیّت  
 ههکو کچین پاکیزه ل کوبانی  
 ب خوینگه رمی دکه قنه ناف بهرخودانی  
 گریا من دهیّت  
 خو ههکو ئه رده وان ژى سترانا دبیّت و  
 مهشکا دلینی یا فیرهایى دکیّت  
 یان شاعرین گه نج رۆژبوونا من پیروژ دکهن  
 گریا من دهیّت  
 ئاخ خ خ.. ئەف روندکه چهند ژ چاقین من بیزارن  
 بی قه رارن  
 هه ردهم ل خووشیى یان نه خووشیى دبارن.

\*

## پیشمرگه

پینج زارۆکین جوان و چاف گەش  
ل هیقیینه بۆ ب سوژینم شەفا رەش  
هەمی مالێ من هەمی و نهی  
تفەنگەکه و باوهریه کا موکم ب دۆزی  
سەیرانەکا ئادارییه و شەهیانا نهوروزی  
کوردستان قبیله یا منه و سەرخوہبوونە نھیژا من  
ب درێزاهێ یا هەمی سالی ی ب روژیمه

نه مالى ههژاران د خووم و  
 نه خوينا مهژى زاروكا و  
 نه ژى خواها پالا قه دخووم  
 حهجا من تهوافه ل دوور گوړستانا شههيدان  
 تهف ههزىن من..  
 ئهويىن كوركبوويى.. زهكاته ژبو خهونا كوردان  
 شههدهيا من...  
 چ تشت نينه ژبلى ئاخى و دوژى و وهلات  
 گيانى خوه بو بكهه خهلات  
 ئهقه ئهزم پيشمه رگه مه  
 دى ههه مينم، پيشمه رگه بم... ههدى ههه مه.

\*



## شەھید

بېھنا بارووتى ژ جلكين ته دەھیت و  
بېھنا بەھەشتى ژ گيانى ته  
رەنگى دەولەتى ژ بەژنا ته دەھیت و  
موھرا نەمرىي.. ژ ناقي ته  
ئەفە ھندەك تىلىلى يىن شەھنازيى و  
رەندكين سویر و خەونين ته نەگەزار  
ژ خوينا لەشى پەيقين بريندار  
دكەمە ديارى ب ريز و كوبارى  
بو ته يى شەھید، ل ژينى سواری.

\*

## پيگۆتنه كا كورت

من خه مهك هه لگرت و ئيك دانا  
من ته مهك راگرت و ئيكا دى دا بهر ددانا  
ههر من نه زانى، كا چ بنقيسم  
ژبو وان شه هيدين ئيرو گه هشتين ئاسمانا.

\*



د. عارف حيتو

## ئالايى نامويسا گران

هيژ چ كچكا.. دلى وى ل سهر بيدهرى  
نه دا بوو باي  
هيژ چ حزبا.. حهزا وى پاوان نه كر بوو  
هيژ چ خوشى يا  
چاقين وى بين مشت ژ هيڤيا تير نه كر بوو  
وى پارزينكى خوشين دانا و  
ئالايى نامويسا گران  
ل بهر دهرازينكا (باتنا) يين كره چوگان.

\*

## بېھنا خوینى

من ناس نەدکر.. تەپ و تۆزا (ناوهران) ئ  
من نەدبەيست.. دەنگى تەنگا ل مەيدانى  
لى ل دويىف بېھنا خوینى ھاتم  
من تۆ دیتی ھەسپەكى حىنج  
ل ناف ھەسپىن چوارگافانى و ل شەرگەھا  
جدیدانى.

\*



## هەرسى برا

قى ئىقارنى ۋەكو دىنا..  
زوزك و ھندرىنا  
پرچا خوه يا ئەرخهوانى و  
سىنگى خوه يى ۋەك كوبانى  
كره د دەستى بايى ساردا



نه بارانی بیهنا بارۆتی په چقاند  
 نه بلبلان.. بیدهنگی یا مه فه ره قاند  
 سی ته رم...  
 سی ته رمین پر ژ ئاگری په رسگه هی  
 ب تلیلی و شه هنازیه..  
 ب ئه ختوباری و میرخاسیه  
 بهر ب میرگه ها سورقه هاتن  
 سندریکین وان ئالای کوردستانی  
 ب خهونین دووجان و دیتنا ژقان  
 چاقین وان مستی خه لاتن  
 ههرسی برا.. ل شه قستانا شه ری چرا و  
 دی روهن کهن هه می درا.

\*

هه  
 ناسین  
 مانی

## جنهت

”پيشكيشه ژبو وئ كه چا ژ زانينگه هئ هاتيه بهرؤكئن شهري ول  
كوباني شههيد بووي.....“

جنهت بيت مالا ته جنهت  
كاروانهك ستييران بي منهت  
دئ ل مهوكبي ته ريژ بن و  
ته پيروژ بيتن شههادهت

خاتوینى دوتمیرا چیا  
هه لگرا خوژی و هیقى یا  
ته جانى خوه گورى کر و  
ب وهغرا ته، ژيان ژیا

(انا الحق) بو ته رهوايه  
په یاما ته سواری بایه  
سنوورپره و ل شهقا دهیجوور  
ژبو بندهمانى عهتایه

بیهنا بارووتى گولاڤه  
ب سینگى تهڤه ههتاڤه  
تو یا مایى و دى ههر مینى  
ددلى کووردا گاف ب گافه

\*

هه ناسین مانی

د. عارف حیئتو



## سترانا دایکا شههیدی

تیلی یین دایکا شههیدی  
جوانترین سهمفونییه دله پین «بای» دا  
شههیتیرین گرییه، د دیم زاروکی نوو «زای» دا  
وهلی هه کو لویلی یین تفهنگان سار دبن  
دیلان قه دره قییت و ده قین توپان بیزار دبن  
ئه ز دینم...  
سترانا وی دایکا مت و جه گهر سوئی  
نالینه که دگوهی «گای» دا.

\*

## پشتی شه‌ری

پشتی شه‌ری.. دایکین شه‌هیدان دى مت بن  
زارو کین وان دى قه‌گه‌رنه خواندنگه‌هى و  
دناق خه‌مین که سکدا دى پت بن  
سه‌رکرده بین ستیر ل سه‌ر ملی و شه‌رقانین فت  
دى ل سه‌ر میزا پیکهاتنى نوکتا بیژن و ئاقى ریژن  
دى به‌حسى شه‌قین ئیروسی بین مؤر بو هه‌قکه‌ن  
دبیت زى...  
به‌حسى کافیارى و چه‌پکین شین و ئایه‌تین نه‌ره‌ف  
بکه‌ن  
دى روو بین خوه‌ سپى که‌ن و  
رووی هه‌زارین عاشق دى ره‌شکه‌ن!...

\*

د. عارف حیثو

د. عارف حیثو

## وهغەرا پېشمەرگە كۆ دۆرین

«پېشمەرگە بۆ پېشمەرگە پۆ دۆرین ئەمین بالە تە پى»

هەر چ مال و مولكى تە هەى  
هەر چ خوۆشى و عەمرى تە هەى  
ژۆ رىياز كوردىنىي.. تە كرنە قوربانى و خەلات.  
هەر چ خەونال سەر بىدەرئ  
ما يە ل هىقى يا پېشمەرگەى  
مرگىنىي بدئ  
سەر خوە بوونال بەر دەرگەهى و قا دەولەت هات.

\*



## لهيلا قاسم

بهري چل و دوو سالان  
من هز ژ کچکه کي دکر، ناقی وی لهيلا بوو  
پرچا وی رهش ..  
رهش رهش وهکو روو بين جاش و دژمنان بوو  
چاقين وی گهش ..  
گهش گهش وهکو روژا ل نئلندی خويا بوو  
هيقييه کا هه لاويستی ژ بينگاقين وی دبرسقی  
ستري بن پي به عسيان بوو  
پشتی چل و دوو سالان  
ئهز هز ژ کچکه کي دکهم، ناقی وی لهيلايه  
وهلی هيقي يا وی ب خهم و ژانان رستی  
ئيرۆ ل بانى مه دوو تايه.

\*



عه فرين..  
خوييا ل سهر برينان



## بەرخودان ژيانە

هەكو شەرى  
خوارگىنى يىن مرنى ئىناينە بەر دەرى  
هەمى سەر بۆ سەرژىر دبوون  
تنى ل عەفرىنى تى نەبىت  
بەرخودانە.. دەر ب دەرى.  
\*

ل عەفرىنى..  
كېشمەكېشما ژيانىيە ب بەندەرانقە  
قەبخوازی يا مرنىيە و مرن هەر يا شەرمەزارە  
ب دەهمەنا سەنگەرانقە.  
\*



دگۆتن مرنى...

حزورره كا ب ترس ههيه و يا ب بهرۆكه  
وهلى د دهستين كچ شهرقائين عه فرينيدا  
متايه كى ساويلكهيه و ترسينۆكه!  
\*

ههر لاقرهيا چووچكىن زيران دسترين  
سلۆگانين بهرخۆدانى و كوباريينه  
بووينه ستري.. د پى و چاڤين دورثمان را.  
\*

ههر بايه كى ب چقين زهيتوونان دكه قيت و  
د هه ناسه يا شهرقائاندا دبیت گروڤه  
درووشمه كى نامووسيه  
ب دهروازه يا عه فرينيه بووى تلوڤه.  
\*

ههر گولله يهك ژ لوولى يا تفهنگى دهر دكه قيت  
دلى منه ل سهر جهله پكى ئازادى دكيت  
ههر ئاگرى مايه ب كورى يا تانكه كيڤه  
جانى منه ل مهيدانى دزيت و قه دزيت.  
\*





سولتانی دگۆت:

ئەز ب پفەکی دى رايخەم مەحفوورین سۆر  
دى ئیخسیرکەم ھەموو سواران دۆر ب دۆر  
لى ھەکو ەفرین شیار بووی  
ھەموو مەحفوور ب خوینى سۆر بوون، وەلى ئەمما  
ئەوین ھاتین سواران بېن، ژبو سواران بوون جھۆر!  
\*

زارۆکەکی ژ نەزانی..

دەستى خو ە خست ناڤ ئاگرى و  
قىژى يين وى، تم بلند بوونە ئاسمانى  
دايكا وى لى دکره ھەوار  
کورۆ ما تۆ ئەردۆگانی!  
\*

مەلایەکی ەفرینی ژ نەزادی نەستووریان  
ئایەتا فەتھى دخواند و دکر شلوڤه  
لى ژ نشکەکیڤه راوہستیا و  
گومان ب ئەنیڤه تلۆڤه  
گۆت خەلکینۆ ھشیار بن و ھلۆنەڤه  
ئەڤه نەڤى يين خالدینە ھاتینەڤه.  
\*

ئەو مەلایین ل سەر مینبەری  
جیبەیی دبەر خوہ دراند و  
کاغەزکا خوتبی پەرتاند  
ل عەفرینی بیوو شەرپان.  
\*

ئیدی نەما..

دایک زارۆکین خوہ ب هۆقان ب ترسینن  
وان سەربازین ترکان دیتن.  
\*

ملیاکەتان خوہ دابوو ئیک کو دگەل خودی  
سەرا مالین بریندارین عەفرینی بدەن  
خودی گۆتی:  
شەرمەزاری دایکین شەرپان و شیردەرم.  
\*

ل سەردەمی زەلام برهائین  
زەلامینی ل عەفرینیە  
ل وی کیلیکا ژن ژ دارا سیقە وەرھائین  
خۆشەویستی ل ئەنیا شەری عەفرینیە.  
\*



من ژ پيشمه رگه كى كه ركووك بهرداى پرسى  
ته هاى لييه.. ل عه فرينى چ د قهومه؟!  
گوت هز ناكم بو من به حسى عه فرينى بكهى  
من گوت چما؟!!

گوت بابهت يى كه سوکيه!  
ههكو به حسى بهر خودانى و دلسوزيى دهيت  
ههست دکهم کو خه سانديمه و  
ئهو کچه جوانانهى عه فرين، وام لى دهکهن  
ههست به هيچبوونى خوّم بکهم!  
\*

ههتا نها.. يا ژمنقه  
خوشترين نان، نانى دهستى دايكا منه  
جوانترين بان، بانى مالين گوندى منه  
ههژيترين ههلويسى خورت  
ديروكا پر شهنازى يا بابى منه  
ئهز يى حهق بووم...  
هيژ چ کچکين عه فرينى ل مهيدانى نهبوون.

\*

گەنجان پەنجە ل سەر جەلەپکی و  
چاف ب ریکا کەلقە نووسیاپی  
چ چووچکان نە دادان بەر سها تەپکی.  
\*

ل پاییزی.. من پەنجەرا یادئ قەکر  
هەموو عەشقی ن ژ گەرمادا سۆتی و حەلەهای  
ی ب شیرئ (امیر المؤمنین) قە مای!  
\*

ل وی دەمی ماچ  
ل سەر ئەنیا ئەردۆگانی دبرسقی و  
سترانەکا نە ل دەمی خوہ  
ب ئەرکانین لەشکەری ئینکیشاریقە  
دبوو گوللە و ب رووی زارۆکانقە پەقی  
من پاپا دیت، ددەستی خودیدا شەرمەزار  
من ئاشتی دیت، د کوگایا کەنیسیقە گەنی و مرار.  
\*

من گۆتە کچەکا عەفرینی  
تۆ بۆچی شوو ب من ناکی؟  
گۆت ما تۆ وەلاتی؟  
\*

د. عارف حیتو

د. عارف حیتو

## ئاقىستا..

«پيشكيشه بۇ جانگورى يا عەفرىنى ئاقىستا خابۇر»

دوھى.. ستىرېن ئاسمانان مانگرتن  
بارانى خوه، د زكى عەقراندا حساردا  
سترانەكى خوه ھاقتىتە جەرگى قادى و  
مىوزىكا گوللە يىن كەل...  
ژيان خستە دناق ژقائىن نىف مراردا.

\*

تبلین زیۆسی گههشتن بهر زهیتوینا و  
 پاپۆس بو ئاخا تهر د ئینا  
 چهند نیرگزین ژ خوه غهیدی  
 خوه ب سینگی ئاخیشه مت کر.  
 \*

ئهو هیقی یا ل ناف سندوقا پندۆرایین  
 ببوو کراس ل بهر بهژنا ئاقیستایین  
 شهقا تاری پین روهن بوو  
 سر و سهقهه ل بهر پی یین وی گهرم بوو  
 رهونهقا وی درهخشان بوو ل تهف دونیایین.  
 \*

ژ ئاگری گر  
 ژ دهریایین دور  
 ژ زهقییان پر  
 ژ ههواى سیمه رخ و باله فر  
 کو ژقانی مه یین بهییت  
 نه هاقیبوون بیت و نه چادر.  
 \*

دلین من یین ل بهندهمانا بهر پهنجهری  
 ل ههوالهکی خوین ژین نه زیت.. ما چاقهری



خوینی ھەموو.. بەروییاف یین گرتین و  
ژبلی دەستدانا تھەنگی، نەمان چ ڕی.

\*

من ژفانین سەرمەدی د ریکا تەدا چاندن  
ھندەک شەعیرین ئەیۆناوی ژبو دیداری قەھاندن  
لی ھزرین تە ب پینگاقانقە و  
ھەستین تە یین ب جەلەپکیقە خەتیرە بوون  
شکەستین سۆر ژ دارا ئۆمیدی وەراندن.

\*

من تۆ نەدیت بووی  
لی من ھەست ب ھەبوونا تە یا مژھوی دکر  
ھەموو ستیرین ئاسمانی ھیژ مەشتانە بوون  
ھەکو تە بارکری و تۆ چوووی.

\*

خاتوونا فەخرا جەلک رەش  
ھەردوو کەزی یین خوە برین و  
ل مەوکبە تە... راستاندن مەش  
سترانەکا بەرخودانی

کرە د بەریکا ھەقال و ھەقربازین دۆزا تەدا

پي د حالچوون نيرگزين گهش  
سهماين ناسمان دوودل کر ل هوشا لالهش  
\*

«ده تو رابه ميرقانو  
هه ي ميرقاني ب نافودهنگ  
چ قاسي ب نافودهنگي  
ئهو قاسي تو سه بلندي  
بارانهک هوور هوور دباري  
ميرقاني من شهيد که تي.»  
ئاقیستايي هوسا د گوت  
ب قان په يقان بهري بارکهت، دلي من دسوت.  
\*

ههر چ خهريبي و خهم هه نه  
ب جان و جانگي ويڤه چرا و  
رهونهق دا گورين نه مرا  
ئاقیستا....  
\*

هه ناسمان  
پي د  
گهش



## بارين كوبانى

«پيشكيشه بۆ جانگورى يا عه فرينى بارين كوبانى»

من ب بزقا محمه د شيخوى ژ کهل دستراند:

«دونيا بۆ بوهار.. خوين هاته خوار

ل سهر گيا و گول.. گريان دوست و يار»

\*

شاعره کى ب عه ره بى دگۆت:

« مهنده هوۆش نه به ژ زولما زهمانى

په روۆش نه به ژ توندى و هوۆقاتى يا ئينسانى

گەر رۆژەك هات..

ل سەر جەندەكەین بەچكە شیران لەبیرتن صە

ژیبر نەكە كو.. شیر هەر شیرە و

صە ژى دى هەر مینتەقە صە.»

\*

هەموو دیرۆكەین درەخشان

كەسین سەرکەفتى دنقیسن

ئەزى داكەفتى د مەیدانا دیتنا تەدا.. چ بنقیسم؟!

\*

هەكو تۆ كەفتى سەر ئاخى

كەسەك ل هنداقتى تە نەبوو

نە خودى و نە محەمەد، نە ژى كورى مریه مایى

تنى ئاخ و خوین و سۆزەك كوردینیى.

\*

من دزانی كو ژ گرتزینا تە دترسن

تەف ئیمامین بەكداشیا و پاشا و سولتان

لى چ جاران من ل بیر نەبوو

كو ژ جەندەكى تە یى سار ژى

پى د لەرزن تەخت و چۆگان!

\*

د. عارف حیتو

د. عارف حیتو

بارینی دگۆت:

من گوللہیہک دقیت، بیہنا گولان ژئی بهیت

حەز ناکەم کو بیہنا بارووتی ژ لەشین...

کوشتی یین بەر پی یین من بهیت

ئەو ژئی مروۆقن.. خوەدی هەستن

پراویر ژ ریکین درێژ و ب مەبەستن

لی بەرخودان کانیکا عەشقەکا کەلە

ب سینگی منقە کوشتن ژئی د زیت.

\*

من د زانی کو قان جلیکین ل بەر من دی دادیرینی

سینگی من دی روویکەیه بەر کامیرەیا و دا بیینی

کا ئەو مەمکین شیرێ ددەت زارۆکین عەفرین

شیر ژئی دزیتن، یان بەرخودان و قین و خوین

\*

ئەو سیلفی یین تە دگرتن ل بەر مەمکین رویس

دی د خەوین تە یین مژداردا شیاری بن

ئوو ب تەقە بنە کابویس.

\*

من رویس بکە رویس.. وەکو گەردین ئاخا تەر رویس

وەکو گری ئاگری رویس

دەستەبەندی  
بە  
ئەوانە

وهكو ئاقى و وهك دلى باى  
وهكو بهفرا شهقى ل چىاى  
دا بىنى كو لهشى من زهتوونهكه، مشتى نامويس.  
\*

ئهو پۆستالا ته دانايه سهر سىنگى من ب مريانى  
ويسامهكا شهرفىيه ژبو من و دىروكا من  
كو تو نهشياى يان نهوئراى ب ساخىيانى  
خوه نيزىك كهى ژ چهپهري من.  
\*

لهشى ته.. ديمهنى چىروكهكا دووباره بوو  
ل بهر چاقين چالاكفانا و نردهقانا و وهلاتقانا  
ل بهر چاقين دىر و مرگهفت و كهنىشته و پهستقانا  
تهف سازى يين «يوئىنى» و مافين مروقى  
ل سهر خهتى، هيئف دكره جهندهكى ته و قههوه  
قهدخوار  
تنى خورتين كوردان نهبن كو ب چاقين مشت  
روندكفه  
ل گيانى ته دىرين يى رهونهقى ددهت زوزانا.  
\*

د. عارف حيتو

## ل سوجه‌گه‌ها دارزه‌یتوونان

«چه‌ند پیناسه‌یه‌ک ژبو دیتنی»

سینگِ خوه‌دا به‌ر هوره‌بای  
گیانی‌وی ب‌عه‌ردیقه‌ما و ره‌ه‌داهیلای  
دارزه‌یتوونه‌ک

\*



کۆما پەیقین بووینە گومتل  
ب سینگی چیا یقه هارن و هەردەم قفل  
دیتەکا نە حەجمتی.

\*

هەر گۆرەکی هێژ پیر نەبووی  
گەرمییهکە، ب لەشین سارقه دوودل نەبووی  
بیرھاتن!

\*

د دەستی راستیدا قازان و  
ل سەر دەستی چەپی قورئان  
رووبارەکی خوینی ژێ دزیت  
سەربازەکی ئینکشاری

\*

بێھنا بارووتی ب تاما شیریقه ما  
ژیانا گەش جلیکین بووکانیی کرنی  
دایکەکا کورد.

\*

کچەکا رند بو دگرتری  
ئەو ژێ دگەل ئاخی د بوهری  
هەموو پەلین دیداری دگەل بوونە رهژی



عاشقه کی ہیڑ سنیلہ

\*

سینگے تہ ب دیمے چیا شہ

نیشانہ یہ و ژین روو دکہ تی

عہ فرینیہ ک.

\*

ئہ گہر بمرم..

ژیان دی ب ئاسمانی کہ نیت

قہ بخواستنه.

\*

ئہ ویں چووی نہ ہاتن کو دیتنی بینن

رازا ہہ بوونی خوینہ لو.. تیکدا برین

باوہرداری.

\*

وہک سیبہ ری بیدہنگ و تام

نہ چارم دگہل من بمینیت و دگہل رابہیم

دووری یا تہ.

\*

وہک نہ عامی..

سہری وی د ئاخی را مایی و کماخین وی ل بہر شنہ

بای

خهونا دڀرين يا د گهوري يا زكري را ماي  
كو ژ مه كه هڼ قوره شيهه ك بهيت و بو بهر زكه ت ئالاي  
شافعيه ك

\*

دهنگي توپان.. خوين د جهستي مندا كه لاند  
رهنگي گولان.. هيفي د چاقي مندا چاند  
ل ناقبه را خونيني و هيفيني  
من رهختين خواه گريدان و چهند نايه تهك  
ژ سووره تا ئه نفالي بو زاروكان د خواند  
هه قوه لاتيه كي تارك صه لا

\*

ئيكوئيكو كه نيزه ك هاتن سه مايي  
غولمانان، سفرا كافيارى روويكر و  
حه پكين شين.. يي ل بهر خه لايي  
ژدايكبوونا سولتانه ك نوو

\*



هه ناسه يين ئاخى



## هه می ریک د چنه ناشی

«بۆ هه قالی ههژا و شاعری په یقین جوان: محسن قوچان»

“با د بهر به لگین گولا را دهیت”

بهر ب نه دیاریشه دچیت و سه مای دکه ت

سه مایه کا سه رمه دی یا مورفیوسی

د په یقه کا دیرین و خولیه کا گهرمدا

هی دی د په قیت

هه موو هه بوونین هیولی

د گه وری یا په یقی را مان و ژقان...

ژ دهه مه نا پاییزا پیرقه د په شیت

“هه ر پاییزه ک نه دره کی دده ت

نه در ب ئا قید ا دچیت و پاییز د مینیت”

دبیته باز به ندا باز دانی و

ل سه ری دیوانی دروینیت

ليگهريانى دئافرينيت

ژيان

مرن ليگهريانه

ئەفيني

به رزه بوون ژى...

ژ دهرفه ي پهرواژى ئەكسيرا گلگاميشى

ليگهريانهك پهرفه كرى يا چاڅگرتيه

دبيت و

قه دژيت و

گه شه دكهت

ل پاييزى

دبيته خاترخواستنهكا ييگهرد و سڀي

ب چولا دكهڤيت

خاترخواستن مشه ختبوونه و ل دور خوه دزڤريت

ژبو كو مروڤى نهڤريت و ل ئاسمانهكى ژ ئەگهريڻ مور

بڤريت

ئاشوپين ئاڅره

كومارهكا پلاتويى و كه نينهكا فورتانايى

د سترانا چوونيدا دڤريت!

د گيژه فانكا گه شيبينييدا ل ريكي دخوريت



ئەرى ما گەشبینى چىيە؟!  
 ما نە رەقینەکا دىيە ژ خوشى يا هووربىنى؟  
 ما نە لىگەريانەکا سەرمەستە ل بوھارەکا ئەقینى!  
 ما نە بايەكى ھوينە، لىقین بشكوژان دەنگىقت!  
 ما نە بەلگەكى شەرمینە، خوہ ژ دايكا خوہ قەددزیت!  
 ما نە تەوافە ل بەر پيا و دالەھىيە ل پۆتى يا و  
 موھرا كەقناتى دەھرىقت!  
 گەشبینى.. ھەستەكە ب كوبارى يا رەشبینى  
 ئوو...

دناقبەرا قى گەشبینى يا رەشبین و رەشبینى يا  
 گەشبیندا

پايىز.. قەيرە كچەكا پرچ زەرە

مشەختبوونەكا دوو بەرە و

چووچكەكا نوو عاشقا دل دوو كەرە

”چويچك دڤىرن شاپەرىن خوہ دبای دەھلینن

رىكىن نوو پىن مشەختبوونى دئافرىنن و...”

شەھيانا قەگەرا كەسك

ل سەر جوخينا و ل بەر باى دگىرن

د قى وەغەرا ئەسىرىدا

ھەموو گومانىن ئاشوپا وەغەركرى

بەرھەست دبن و دبنە سىتافكا مروقى

وهكو كوربي ل پشت مروڦي  
 دبیت يا خوښ بیت يان نه خوښ بیت  
 پرت پرت بين حهز و نه يوئين مروڦي  
 دناقبه را جيړباندا پرتکينی يان ره قينی و  
 گهردين لووسين زبهد قيدا  
 خه ونه کا گهریده يه  
 د فارگونين وه غره کا ژ نه چاری گه شه دکه تن  
 خوښی يان نه خوښی  
 هزری يان ژبيرکرنی  
 بهره ف ريکا ئاشيغه دبهت و  
 هه موو ريک دی چنه ئاشی...  
 ريکا ئاشی ب ته نگه بهره  
 کوته لا نوو يا دوو کهره  
 هه قرانی مه دزان بر بوو  
 ئاشقانی مه ژ قه هران مر بوو  
 پهز هيشتا يی ل بهر خویدانی  
 شقان يی که فتی گومانی  
 گورگان ل دهر دوران گه فه  
 هيژ شه قه روکان حه ف حه فه  
 خه ونيين مه مانه ل ئاسماني



کهس نه بوو بهیته ژفانی  
 جهی ژفانی یی تهنگه  
 گزیری مالان بیدهنگه  
 نهژدهها یی ل سهر ریکی  
 د ستینیت ژ کاروانی خویکی  
 خویکا کاروانی مه خوینه  
 ههر روژ ل مالین مه شینه  
 شینی و تازی یین مه زورن  
 روژین مه وهك سالا دبورن  
 کهوهك ل زناران دی قه بیت  
 بوهاره و روژهك دی قه بیت  
 بشکوژ دی خوه دباغان وهرکهن  
 کولا خهونین پیر دی دهرکهن  
 دبیت گهش ببیت خووشی و باشی  
 ههمی ریك یی یچنه ناشی.

\*

\* نهوین بوندکری (رهشکری و دنافهرا کفاناندا) ژ ههلبهستفان  
 موحسن قوچان هاتینه وهرگرتن.

\*\* مورفیوس: خوداوهندی خهونان ل جهم رومانیان.

\*\*\* فورتانا: خوداوهندا بهختی ل دهف رومانیان.

هه  
 مانیان  
 د. عارف حینو

د. عارف حینو

## هه كو مرنى خوه هاقىتييه به ختى شه پرى

«باپيرين مه.. چيروكا ميرزا محه مه دى و روسته م و سوهراپى ژ مه را د گوتن ،ئه م ژى دى چيروكا شيخ ئه حموي گه ليى رمانى .. بو زاروكين خوه فه گيرين»

تيرۆژكين روژى ب شه رمينى  
داددانه سهر گيايى هيشتا كه سك نه بووى  
سه قه مى گه ه فالنجكرن  
گولله دده قى تفه نكين كه لدا به نجكرن  
هه موو پهي قين ل سهر بيدهرى نه داينه باى  
جلك رهش و دهست قالا مانه ل به ندهرى  
هه سپى كميد نه سه تمى





دناف ئاگریدا د برسقی و رژد بوو ل سهر پری  
ستیرهك ژ ئاسمانی رژیا  
خوه قورمچاند، ل قورنه تی تاری قهدهری.

\*

ههكو مرنی خوه هافیتییه بهختی شه پری  
ئزرائیلی دکره گری..  
ما دی چهوا روحا ئیکی هه لکیشیت و  
خودی شهرم ژ نهختوباری و عه شقا وی دکهت  
لهو میرانی و قیان دایی  
ما دی چهوا خهفکا ل سهر ریکی دانیت و  
هنده کین دی یی ل سراپی.  
ما بو ناییت.. ملیاکهت ژی درهوین بن!  
شاشی یین خوه، قه دشپرن و گونه هیین خوه  
پالدهنه خه لکی دونیایین.

\*

ههردهم د گۆته ئاخا تهر  
ههكو ب سینگی ته قه دمرم  
تیشکین روژی.. دی ژ جهسته یی من په شن و  
نوو ژیانهک دی ژ خوینی زیت موخه یهر.

\*



من مرن دیت بچووک.. بچووک  
 ب سینگی ئاخېڤه ئادییهک گهمره و شهرموک  
 برومیتۆس.. ل بهر سندریکا ته د مه شی و  
 چرایهکی زه راده شتی ژ چیا ی قه کر  
 پی روهنبوو هه موو دهۆک.  
 \*

ئیشهف ل بهه شتی ئاههنگه  
 هه می شه هیدین موشتاقی چه په رین گهرم  
 ریز ب ریز ل پیشوازی یا مه وکی ته  
 چاقه رینه و یی سروودا «ئهی ره قیب» دین.  
 \*

پشتی شه ری.. هه کو هه موو برین د که وین  
 گول قه دین و گه ف د حه لین  
 ژ نوی دی هیمه سه ر تر یا ته و  
 دی گوله کا سۆر هاقیمه بهر کیلیا ته  
 دی پاریم و دی پاریم و پاریمه قه  
 تۆ خودیکه ی، ل من بیووره  
 کو ئه ز نه شیا م شعره کا جوانتر ب ته بیژم  
 یان پلانا دیداره کا شه هی و خوشتر  
 دگه ل گیانی ته ب داریزم.  
 \*

هه  
 سین  
 یان

ژبو کو شهر نه مینن و مروّف ب هه قرا ئاسووده بن  
 من جهستی خوه کره قوربان  
 ژبو کو باران ل ئاسمانی نه مینیت خاف  
 ئیکبه ژن کهفت...  
 ب رووی مندا دهاته خوار و د بوو خاقان  
 ئه ی مروّفی وه فادار و هه ژی و شایان  
 هه ر پینج شه مبا بهییه سهر من  
 کیلی یین من دبنه شاپهر و جانی ژ به هه شتی د  
 ره قینن  
 به ره ف گری...  
 خه ریسی یا دیتن و ته ناھی یا ته دئینن.  
 \*

## چاقه پری

«بۆ شه هیدی جوانه مه رگ شیخ مويس گه لیی رمانی»

دهمی تۆ چووی...

هیژ روندکین من ل مالا شیخ ئەحمەد بوون

هیژ شعرین من، ل بهر چادرا رما جهنگی

په لاتینکین نه به له د بوون

هیژ دو عایین سهر دهقی من

چه ند ته رتیلین نه گو تی یین ژ ئە به د بوون

من دهنگی خوه دا به هه شتی و حوری هاتن

ریژ ب ریژ و ب جنابهت بوون



ھەر چ زەڤیا کئلاى ھەبوو  
 ھەر چ دارا ئاڤدای ھەبوو  
 ھەر چ ئاشى دانای ھەبوو  
 کئلا سەر تیرا شەرڤانین خەلیفەى بوون  
 جان ئیک ب ئیک بوونە کەڤر و  
 ب سەرى خانىيانقە گومبەد بوون  
 زیمارەکى.. گولچىچەکین ھىژ نوو عاشق  
 ب کورى يا ستیرا سبەھىڤە گرىدان و  
 خەوخاندن ھەمى بلبلى  
 ئوو پىڤکەکى شەرابا سوور من بەردا سەر برىنن کول  
 خەرىبى يا تە يا مەشت گول  
 ل ھنداڤ سەرى من چرایەك گەشبوویى و ھل  
 ھەکو ھىشتا.. رۆژى چاڤین خوە ل دیدارى نە  
 نقاندىن  
 چوچکا تیشکین خوە ب ئارامى، نە نقاندىن  
 گوللەپەکا خوە فرۆشتى ژ ئوردى يا کورى وەلید  
 روویى بەھارى کونکر و متا خر بر  
 ھەمى داران خوە چەماند و ل بەخچەى بارى  
 سەقەم و سڤ  
 گازىبەکى.. دەرگەھى ھەستا من قوتا و ئازراندن  
 ھەلچوونین پل

تلیلی یین کهزی کورا و نالینهک ژ جهرگی گهلی  
 هاتنه شینی یا من مل ب مل  
 ئەزی خەریب و چاقه‌ری، ل قورنەتی بوومه گومتل  
 بوهاری خەملا خوه دانا و  
 مه ب هه‌قرا ژبو به‌خچه‌ی دکره‌گری  
 ب گپوله‌کی نیف ده‌گری  
 من پستوی دارباهیقا موبه‌ری گرت  
 دا کولیلکین خوه ب مکوری  
 نه کهت سیخور ل سهر ئاخ  
 چونکو ئاخ، چاقین گه‌شین هه‌مبیز کرین  
 من نه‌دقیا.. به‌لگ و کولیلکین ژئ کهفتی  
 ل سهر سینگی ته‌ رازین و  
 بینه ته‌وافی مریدین شهیدا و دوو دل  
 من نه‌دقیا.. پیگوته‌کا کهل، ژ ته‌را بیژم و  
 ئاقه‌کا سار ل دویف ته‌ ب ریژم  
 خاترخواستن، ل گیانی من... نا نهیت و  
 ب سوحبه‌تا ته‌ یا گه‌رمقه، چیر دریژم  
 ما ئیک هه‌یه، خاتری ژ دلی خوه بخوازیت و  
 ل دیدارا خوه چاقه‌ری بیت...!



”کورۆ دینۆ، من گو ئه زى نزانم چ بئزم... چ نه بئزم. وه زى ل حه زه رتا شى خى كه له ش كه ر و گيژم... وه زى قوتى ملحه مى نوژده هاري ژ دارا بيى چيكم و ل سه ر برينى لاوى رى و ريبازا خوه بريزم... وه زى نزانم چه وا پيگوتنه كا دلشه وات و مالخرابوو، ب خه يالين خه ريبى يا عه زيزى ل به ر دلخ خوه ببئزم... وه زى نزانم كا چه وا خه مين خرين خرغه بووي بنئزم... ئاى لى مالا منى واي، هايى هايى.

وه زى تفه نكه كى ژ په يقين به هيدار چيكم... ژبو شه رى كافران و كوفرى فريكم... وه زى كاروانه كى پيشوازي ژبو هاتنا ته ب ريكم... شى خى منۆ، شى خى ده لال... بيى ته ژيى دى چ ليكم..“

خانۆ يى له په ك زيىن، ل به ر دانگا شوپه رها قه لاتى

په يمانه ك دا هاتوباتى

ئه گه ر مرم، گول دى شين بن

ريكين گه هينى دى قه بن

هه ر گوله ك و بلبلى خوه

هه ر گه نجه ك و تفه نكا خوه

هه ر دا يكه كا هيژ كورى وى نه بووى زا قا

لى خرغه بووين گولله و شه رقان

دى ل به ر سه ا چه په ره كى بيته خاقان

ئه زى ل هي شيا هه موو دا يكين ل پينج شه مبيا

گورستانى دكه نه سه يران

بين و دليىن خوه ده ريژكه ن

ئەوى قۆلى شەر نەكرى!  
 ب سوحبەتەين خوه پريپژ كەن  
 ھەقالى من.. ئەوى دقيا بن ئاخكەت ھەيىھەتا سېرى  
 د لەپى خوه دا، خرقەكەت جوانى يا بوھارى و  
 قەتيس بکہت، روندکين گەرمين گيتارى  
 ژگرى بلند داکەفت خواری و  
 بەر ب ئاسمانيقە دا رى  
 دا بگەھيتە ريزگەھا گەرما دیدارى  
 ئەزى خەريب و بوغومى، ب تنى ھشتم  
 ل ھيشيا زفرينى چاقەرى...  
 ھەر چاقەرى و ھەر چاقەرى و ھيژ چاقەرى.

\*



## ههستين ئاڤي

دوو ستير ل ئاسمانى د برسقين  
دوو گولين گهش ب روويى ئاخيفه د تفقين  
خودى عهشق كره ئايين.

\*

من ژفانهك دگهل گوليا گه نى هه بوو  
كو ب هه قرا ل ديدارا پيشمه رگه كى  
بيينه نان و بيشكورين  
لى ئه و ديدار ب ژفانيقه هه پاره بوو!

\*

ئهو نيرگزين تو ژى ديژى  
كول ديدارى شعر ژى بين  
جى هه قبينان..  
د دهستين مندا تاوى كرن.

\*



ئەز قەدەرا تەمە  
ژجەرگى دىرۆكى قەرەستىم  
كەفتىمە سەر روويى ئاخى و  
ب بەندەمانا تەقە بەستىم.  
\*

خەم گووسكەكى دوشاقىيە  
ل زقستانى ب بەفرى قەدخۆم  
مىواترى..  
ب سىنگى رۆژىقە دالەقيا و  
شەراب بۆ خوين.  
\*

ئەنفالكرنا بوھارین گەش  
پىنگاڧا من سست ناكەت و  
دى رى شەقینیت ل شەقا رەش  
\*

ھىشتا تۆزى نە دادا بوو بىردانكا من  
زارۆكەكى د زكى مندا دكرە گرى  
مىشكا خەمان لى وون ببوو.  
\*

من ژ شەقستانا رەش پرسى  
چەند دلین پر زام و شكەستى



ل هیقیینه روژ بهلیت؟

\*

بلبله کی خیانهت ل گوله کی کر

گول، د قافکیدا چرمسی و

بلبل.. بو سیاسی.

\*

هه می هه سپین خوه، من نازاد کرن

ما ئیدی من هه سپ بو چنه؟!

گهر دیوارین که لهی خاڤ و نرم بین

ئوو دهرگه هین نه فه کری، بین فه کرن.

\*

بایه کی پاییزی تو بو من ئینای و

ئیک کی دی یی بو هاری تو بری

ژقانی من دوریانه که ل سه ری ریکی

خه لک یی دیژیتین یی مری.

\*

گیانی ته.. ئه فه ددهستی مندا ته په یه

دیدارا مه د مال بچویکی ژیانیدا هیژ کور په یه

ما تا کهنگی دی مومیا بیت که له خی ته؟!

\*

هه سپین  
>  
>

دلی من زیندانهک بی په نجره  
 ههمی دهما چاف ل دهره  
 نیرگزان خوه ب سینگی ئاقاریقه متکر  
 ژبو ئازادیی بیوون هه قسار!  
 \*

خه مان ژفانهک دا بوو من.. لی ئەز نه چووم  
 بوسایدۆنی داخوازکرم ل دهریایی سوار بيم و  
 هه موو هه شکاتیی بخۆم.. لی ئەز نه چووم  
 هه ر ل به ندا هاتنا ته بووم.  
 \*

تاریستانی زیندانکرم  
 به رهف بورجین دوور و نه دیتیقه برم  
 روژی پهرین خوه دادان و ئەو زیندانه کره وه لات.  
 \*

ژیانی خوه کره هه ز و ب منقه بو نوژ  
 بلبهکی دادا سه ر تاکی دارهکی و ژ دل دستراند  
 سترانه کا کویقی و دلسۆژ.  
 \*

فیلبازی بین گولاقهکی با شه پلاند  
 کیقه بادهت!؟



ئەز ب تەقە شەرمەزارم  
پرچا من سپىكر دوودلى يا ھەتاقەكى.

\*

پلا من يا گەرم و لەزگىن سەرمایى گەزت  
ئەو خەرىبى يا ب دیوارىقە بوویە كەقال  
ژ ژىي من دخۆت، مسقال.. مسقال.

\*

دەنگى من يى ژ من كەفتى و  
جى ھەقبىنا دیدارىن من يى خەرفتى  
لەو سترائىن قەگەريانى د سار و متن.

\*

بېھنا گولاقى ب كراسى منقە چەقى  
كو نامە يىن مشتى عەشق و سۆزدارىي  
ژ دەقى باھۆزى قەرەستن...  
دېرە پەقى.

\*

تۆنەھاتى و ھەمى ستىرىن نۆبە گرتى  
ل بەندا تە بوونە گرتى  
رۆژى تىرۆژ نە دادانە ھنداڤ چيا.

\*

دەستخاى  
د. عارف حىنۆ

د. عارف حىنۆ

په لین ئاگری.. ژ سهرمادا دکره گری  
خولی یا کهل، ب سهرکه فتنیڅه دهگری  
ههمی ژ بهر تهیه خوناڅا گیای.

\*

چاقین ته ههردهم تیهنینه  
په یقین سار و ل بهر په لان مت  
ددلی گهرمدا ئیڅه لینه.

\*

سهرمایې دهرگهه قوتان و هیژ صوپا مه  
ل قورنه ته کی ئاواریه  
ئه گهر نه هیی.. ئه ف ژیا نه زیماره کا بیه ودهیه.

\*

ههردهم من دگوته ئا خا تهر  
هه کو ب سینگی ته فقه د رازیم  
تیشکین روژی..  
دی ژ له شی من په شن و  
نوو ژیا نه ک دی ژ خوینی زیت موخه یهر.

\*

ژووره ک ب تنی بو من بهسه  
کو شکه ستنی ب خه مین دیرینه نه فیکه م



لى چوونا تە.. ھەمى ھەقىيىن ھەرفاندن و  
نەشيام رازا دلى ب زام دەرەھىكەم.

\*

ھەمى دەما من دگۆتە تە كو دلى من  
پەرەكى سى و ساويلكەيە  
لى تە ب ھەسپىن حىنج ھور كرى و  
كرە قادا زۆرانگەھى  
لەو ھەستىن من بوونە تەرم، ل نىف شەرگەھى.

\*

ھەكو پەيىقن من مەست دبن  
روو يىن پەران د ئارينن و  
دىلانى ب ھەستىن من دكن.

\*

تۆ خودىكەي باوەر ژ من نەكە  
ئەز تەنەكى گىژم و بېھۆدەمە  
تۆ ژى وەكو ھەموو كچىن ھاتىن و چوووين  
سۆرگولەكى ژ سىنگى من يى فرەھ قەكە و  
داخەكا دى ل سەر ئەنيا من زىدەكە...

\*

## قهدهر.. دیواره کی خلولیه

هه کو هه یقی ماچی دکره کومتی چیا  
من و ستیران یاری ب خه رییی دکرن  
ما دی چهوا خهوا من هیته؟!  
ئوو که نیا ته.. یا ب لیقین هه یقی هه ما!

\*

د. عارف حیثو

د. عارف حیثو



تۆ گۈلەكا جواتىرى..  
 ژ ئەقان كۆمىن نىسانۆكا  
 ئەف كۆمە دى شەرمەزارى بوھارى بن  
 وەك بەكرۆكا  
 پەيقىن تە دى ھەر مینن و سەماين كەن  
 ژبو دیدارا ژقانگەھین بەر كەپرۆكا.  
 \*

تۆ بۆچى چوویى و بلبلىن  
 عەشقى تە ھیلان بن تۆمك  
 ما تە نەدزانی.. كو چاقەرئى ھاتنا تەمە  
 گەر تە دزانی...  
 پا بۆچى تە رى دا قاىروسان  
 یاریكا ب جەرگى تە بکەن و  
 تاسارى بیخن لەشى تە؟!  
 من نەدقیا بیرھاتنن مە پرت پرت بن  
 داكو بکەمە تاج گولینە و ھەكو دزقرى  
 بدانیمە سەر سەرى تە.

\*

ما ته بۆچی خوه ته سلیمی قه ده ری کر  
 قه ده ر خه ونه که ئاقی دیتی و  
 دیواره کی خلوله یه ..  
 بۆچی هیقی، ته داردهستی که سه ری کر  
 که سه ر ئاگره که که س نه دیتی و  
 سو هته نه کا بی لۆمه یه ..  
 ئەز قه ده را ته بووم، د مژی وه ربووی  
 که سه ره کم د وه غه ری دا،  
 ژ صولا مفره قی قه بووی!  
 \*

پاییزه و...

په نجه را یادئ دئ قه که م  
 هه می عه شقیین من بین بووری و  
 سه رکه فتنین دگه ل دوورین  
 دئ ل بهر ده ری ته نه قیکه م  
 دا ریکا هاتنی که هیکه م.  
 \*



ئەڤە پېنجى سال ژ عەمرى بۆرىن و  
 ھىژ خەرىيى وى باوھشا ژ ترسادا  
 ب سىنگى تەڤە كرېمە نۆژ  
 لى ئەنفالى، دل دابوون دەستى قەدەرى و  
 بى سەمتكرن گول و بشكوژ  
 ئەڤە پېنجى سال بۆرىن و ھىژ خەرىيى  
 ئەوى ماچا من د خەونىدا سپىكرى  
 ماچ ب حەزىڤە متانە و ھەر متايى  
 د ژوورپن تارىڤە خوارى بيت  
 لى قەنا بن دەرگە و نىروژ  
 ئەڤە پېنجى سال ژ عەمرى بۆرىن و  
 ھىژ داردەستى وى مژىمە  
 ئەوا من ژ مال نەڤىكرى و ب منڤە تىروژ  
 مژى ژقان داعوپىران و يا داداى سەر  
 جى ھەڤبىننن نە ل بەر چاقىن كامىرى ماى  
 ل پىشوازيى بوو.. ھۆزانەكا كەھى و دلسوژ.

\*

تۆ نزانى من چەند تۆ دقپى!  
گەر تە زانپيا دلى من كانىكه كه  
درىكا تەدا و بەس تۆ ژى دزى  
بىگومان دا پەردەپوشا خوه هاقىي و  
بلەز دا هپى.

\*

## شعر

سه‌دایي ئه‌حمه‌د عبدالله زه‌رۆ  
په‌یقى شاپه‌ر هه‌نه و  
که‌فرین کيليا شه‌دایي د په‌یقینیت  
که‌فتن سه‌مایي...  
شووشه‌به‌رین به‌ر شوسته‌ی شمکه‌زا و  
چه‌مکی عه‌لیی گویزی و رووباری هه‌شکه‌رۆ  
ئه‌قینیی پالا خوه‌ دادا دیداری  
هه‌موو شعرین ته‌بگرتی یین ئه‌یوناوی  
ب خوین و خویساری  
کاتا ژ خوه‌ دده‌ن ل پشتا گه‌لیی ده‌ۆک هه‌رۆ  
ئه‌گه‌ر روخسه‌ت هه‌بیت!  
هه‌می به‌لگین پاییزی یین ل به‌ر زه‌قی یا و

ل هیقی یا ژقانی  
 پەرموچکین بارانی و چقەك زەیتوونی  
 خەریبی یا کەل و سویندا هیقیانی  
 دئ کەمە سلاقەك گەرم و  
 دگەل کوترەکا سپی دئ ب ریکەم  
 بۆ شکری اسماعیل و بۆ قەهیلی  
 ژبۆ دیاری و لیھات صالحی و عادلئ مەجید  
 ژبۆ ھەواری و دلیر کەمالی و ئەحمەدئ جاسم  
 ژبۆ ھیرۆیین و ئەو دیاری دئ و سندس نھیلی  
 یان (ئەلند) ئ وەك ئەلندئ تازە قەبووی  
 یان بۆ مللەتی و ئەحمەد مستەفا و زیادئ یوسف  
 گولشەن و قینی، نیھادی رووگەش خودئ بەییلی  
 ئوو تەف شاعرین دئ یین ب خیلی و  
 ئەوین بئ خیلی...  
 دئ بیژمئ شعر..  
 ئەمانەتە دەستین وەدا و  
 پەلەکا ئاگری گەشە د ریکا وەدا  
 یەقین.. کەنگرپەرەکا تەنگەزارە ل بەر رووباری  
 ھەبەین.. ھەسپەکی حینجە و تۆ سواری.

\*

سەتمینا ھەسپى بەزەك





من چ ژ سازانی نه دزانی ... ههتا من تۆ دیتی ئەی مه‌رگ

من چ ژ گارانی نه دزانی ... ههتا من تۆ دیتی ئەی گورگ

من چ ژ گومانی نه دزانی ... ههتا من تۆ دیتی ئەی دین

من چ ژ رامانی نه دزانی ... ههتا من تۆ دیتی ئەی ژین

من چ ژ بازدانی نه دزانی ... ههتا من تۆ دیتی ئەی قه‌ده‌ر

من چ ژ دۆرانی نه دزانی ... ههتا من تۆ دیتی ئەی دادوهر



## مه‌رگ و سازان

ئالۆزیه‌کی...

کۆینێ خوه ب بسته‌هی دادا سه‌ر مه‌یدانکا پالا  
چیکین خوینێ شه‌رمکری و هه‌ست مшти گۆنه‌ه  
ب ئه‌نیقه بوونه رکه‌ه

له‌و رووباری ب ئیختیاری قووتدان ریژگه‌ه



مه لای ب بهندکی که سگفه خواند و گرییا تزیین قه تاند  
 هه ر ئیک ب هه سپی خوڤه بهزی و په رت بوون رووگه ه  
 هه ر سه مته کا نوو تره کی  
 د ده ستین خودیدا هه لیان و بوون په ناگه ه  
 ده سته ک قالا، ژ کوباری و سه روه ری یا سالا  
 دريژ بوو سه ر مه مکین شیرده ر  
 هه ر چ ئه ختوباری هه یه، ب ئه قینییقه کره ده ر  
 خوه خه وخاند ل به ر سیبه را دارین لاستیکی مه رتالا  
 هه می تفهنگ سار و ده ف هه سکن.. ب روژینه  
 متایه کی هه لگرتیی فروژینه  
 ب به لگین دارانقه شین دبن و د هه وشا مالیدا بیژینه  
 دهنگه کی گوټ: ئه و ده سته هه...  
 ل به ندا روژه لاتنی، ما بوو گرتی  
 ب دیتنیقه مگرتی و ل خوه فه کیشانی راگرتی  
 دپیشدا چوونیدا ته بگرتی و د هه لوه شیانا کوژه کدا  
 خوړاگر و بهرگه گرتی  
 ده سته که ژ ئاسمانان که فته، قالایه ژ لاری و ئوبالا  
 وی دهنگی دگوټ: چه ندین باره...

تەڭ ژقانين ھەلاويستی و ھيژ خەوارە  
ژبۆ خيلى يا بووکانى يا نوو..  
دى بنە پەردە و ستارە  
لى ئەڭ ديلانا رەشبهلەك  
نە گەلەك يا ب دلى منە  
وھسا ديارە عەرد يى خوارە!  
زىنى ھەسپان دى ل بەر صمىن حىنجاتىي  
د تۆزى وھرىن دووبارە.

\*

## گورگ و گاران

بزنه کی... گوهانین خوه گریدان و  
خوه د کوتانیتشه حساردا  
ههمی زهقی و شکیر و سهرزویر.. بوونه گزیر  
ئیدی نهما ئەم ئالف بین  
ل بن پۆستالان، کهفتی یین خویل و نهلف بین  
هنده بوهار دی گرتیت..  
بهروبیا ف دی قهبن و ب ریکیتشه تلۆفه بین  
فهرمووده یین نیف تهلیسم و

ئايەتین هیشتا بی ئیسم  
دی دەرەهی و شرۆڤه بن  
هەر گوله‌کا تۆزی داداین و قهیره بووی  
دی ل بهر دهری مالا مهزن بنه به‌خچه و گروڤه بن  
ئه‌ف که‌قاله..

کتیبه‌کا په‌ر قه‌کری و بی سهر به‌رگه  
پشکا ژی کیم تنی مه‌رگه  
قی باژیری هند بی مه‌زن دکه‌ته گوند و  
کوتانه‌کا ل بهر لیسبووی کوند  
لی چ جارن من نه‌دزانی کو ئه‌و بزنا  
گوهانین خواهه‌گریداین و خواهه‌ساردای  
ئه‌و ب خواهه‌گورگه.

\*

## دين و گومان

ئەف ژيانا كېفەراتى بۆ دكەينە بويك  
سترانەكە ل بەر دەرگەھى گومانەك پير  
وەك زەقىەكا هەشك و تېھنى بۆ ھەمبىزا بارانەك ھوير  
باى و عەقران دكەتە شريك  
من خەونىن خوە ھەلگرتن و ل سەر پرا چىنۆدى چاندن  
من حەزىن خوە.. ل سەر نقىژى چەپاندن  
دا رووبارىن خەمرى و شىرى، ب ئەسىرى  
ب لەشى منقە بىنە خورىك

مه لای گۆته من: نه زه ری نه که و  
 ده ری دل خوه بو باشی قه که  
 باشی... ب منقه خه تیر و شهوتاندم  
 گۆت تۆبه که.. دا ری قه بییت و ل ته بیاریت به ره که  
 من تۆبه یین خوه کر نه گلواز و کر نه ستووی خوه  
 من سیتافکا وه لییه کی...  
 دانا سه ر خوه و کراسی زوه دی کر به ر خوه  
 دا بگه همه خالا مه ره می  
 لی مه ره م یا مژه وی بوو  
 قاری بوو ژ دان و که ره می  
 نه ز نزانم نه ف خودایین هند مه زن و مشتی ره حم  
 چه وا دل دده ت  
 نه فان له شین ته ر و نازک ببه ت جه نه می.

\*



## ژين و رامان

من پەيقين خوه كه زاختن و دانانه بهر فرۆتنى  
هه موو ههستين ژ ئه قينينى دوور، قه شارتن و  
بهر بوونه ئيك ل بهر ديوارى سوهتنى  
ما متايى مت بو چيه!  
گهر دزى بيت، يان خواري بيت  
يان ژى ب زان كهفتى بيت بهر قهروتنى



ئەقە ئەز و ھەمی ھەسپین من یین بەزەك  
د سەتمینە و یاخینە ژبو ھاژۆتنی  
ما دی چ ژفی شعری کیم بیت  
گەر جارەك دی...

ھەستین سوۆتی دانیمە بەر سی و سیتافی  
یان ریشالوکین دیتنی بکەمە خەربەندی ھەتافی و  
ئازاد کەم سواری خەوتنی  
ژینی... چافی خوە ل من نقاند  
حەزەك نەپەن دناخا مندا بشکوراند  
ئەو ھەوالین من چ جاران نە د بەیستن  
سیفاندۆکان ل بەر سیفاندی مالا مە د خواند  
خەمەکی ب ھیمنی زەوقا من داھیلا بنی  
لی ل ئیشاری، دیونیسسیس کرە کەنی و  
خوە ل دیوانا مەمی شفا کرە بەنی  
تشتین چوووی و ھەنۆکەیی و دەردۆرا ھاتی ل من  
کەناند.

\*

ھەسپین ما

## قهدهر و بازدان

من هز ژ کچکه کا چاف کهسک و رووی قورمزی کر بوو  
لی نهو داردهستا خهوینن مؤر  
هه مبیزا خوه ژبو فیرسین نه کهفتی بین  
شهری ئیرانی قه کر بوو... قهدهره  
من هز ژ وه لاته کی داگیرکی و ل بهر فروتنی کر بوو  
لی وه لات ب ئه قینیقه یی شر بوو  
د هه گبه بین کاروانیاندا ئیتوین و



ل بهر عاشقان پیت و گر بوو... قهدهره  
 من هز ژ نایه تین پیروژ و فهرموده یین صحیح کر بوو  
 صحابی هاتن سه مای و ئه وی ژ هه میا دلوقاتنر  
 پیدوفیل و رباخوړ و سه ربړ بوو  
 من ژ ترسی یان ژ برسی بازدا سه به خچه یین پرس  
 ما دی بوچی توفی هاقیم و ل زه فی یین خرش  
 گهنمی چینم!  
 گهنم... ب ترپلان دگه هته واری  
 که سه ک نینه ل فی ئاقاری ژ من هه لگرت پیچه ک  
 باری  
 ما دی بوچی چمه عومری و عهری من خر  
 که نگرپه ره ل بهر باهوژی  
 ئەز دگه ل ره فه کا په لاتینکین رند و ره نگین  
 رینیشاندەر و هاژو بووم  
 ل دوړ چرایه ک زه راده شتی، په ل و پشکو بووم  
 ل دیدارا شه رقانین دوودل و به نگین، پیقارو بووم  
 لی قهدهری... کونینی خوه قه دا و ئەز دوور پیچکرم  
 من قهدهرا خوه هه لگرت و به ره ف بیستانین که سه کفه  
 چووم

د. عارف حیثو  
 ۱۰۰

وهلى ستريا پى يىن من خوينه لو كرن  
 ئەف ستري يىن هه.. ژ بهژنا گولپن گەش دكەفتن  
 پهروانه ل دۆر رۆناهيى د كەسىره بوون  
 شەقى دادا و ل رىكا دريژ  
 تنى سيىرگين د برسقين و نەديره بوون  
 شەرقانەكى بەنگى گرتى، ب خەمگىنى دگۆت  
 ل سەر سفرا بىنقەدانى و ناقتىدانى  
 هەسپىن بەزەك سەتمين و هەمى خەون هەپارە  
 بوون.

قەدەرى گۆت... پا خەونا تە؟!!

خەونا من خەونەك كوبارە

ل تەفەنگەكا پىريژ و قىلقل سوارە

لى ل مەيدانا زۆرانگەهە، هەردەم چىرىكە و يا سارە

ئەف سەرھاتى، يا گايىن پار و پىرارە

يىن بۆ وه دىيژم دووبارە!

\*

## دادوهر و دوړان

ټهوى دادوهر.. ههر دوو لنگين خوه يين پاقر  
ب تلين هه سپه كى بوزدا شور كر بوون  
بريارين وى وهكو چويقى ره شه كين ئاغى  
د هشك و رهق و سرت بوون  
ديتني وى.. ب ريكيغه د هه لوه شيابى و پرت پرت  
بوون  
ټههره مهنى هه مى ده رگه ه لى گرت بوون و  
پندورايى مفتا روژى لى قه شار ت بوو  
په هله وانين دونكيشوتى ل بهر ده رى وى  
دخوهى را، د ته حل و ترش و تروفر بوون  
ل سهر كورسيكى، تاووسه كى جوان و خورت  
ټه سكه ندهر بوو..  
لى ل مهيدانا دادوهر يى، ټه له وويه كى بن زه قهر بوو.  
ټهوى دادوهر.. وهك ټه ميبايى دوو كهر بوو  
ژ ههر كهره كى، كهر ژى په شين و كهر كهر بوو



مەزدا پېڭە موحەببەت بوو  
 شەقى دادا بەر دەرگەھىن ھەمى مالا و  
 ھەردەم شەف بۆ كرىارېن گەرم موقەددەر بوو  
 ئەزى دۆراندى ل بەر صمىن شەرمىنى و  
 وان پۆستالېن نە تەقى و ھېشتا دوودل  
 ھەر خەونەكا ھەلاوېستى ب رېكېڭە  
 خوە روكماند و ما ب كەزىكېن دارېڭە  
 ئەز گەشېن و بەختەوەر بووم  
 ھەكو شەر كەفتىبە بەر دەرەزىنكېن ئۆمىدى و  
 چ خەونېن خۆش نەبووینە ئالفېن خەفكا  
 لى دادوهرى ھەموو تىشت سەرابن كرن  
 ملېن من دانە بەر دەڭكا  
 وەرېس ھاڧىتنە سەر حەفكا  
 سترانەكا سەرورېن دانا بەر دەنگرا رۆژى و  
 رېزبەندكرن ھەسپېن نە ژى  
 لى ئەڭجارە دەمى د رەڧم ..  
 نە ژبەر زال دەستى يا ھەرچارە  
 ژبەر دادوهرى كۆلەوارە  
 كو دى من ئىخىت دووبارە.

\*

## تہز و یہزدان

خودیوو پا تہ گوٽبوو من..  
باوہری ب راستی بینم و لغافین ہہسپی ژئ نہکہم  
سینگ و سینگ ہورکہم مہیدان و  
خوہ ژ فہرازی ب دوو دل نہکہم  
وہلی ہہسپی من سہتمی و ئیکبہژن کہفت!..  
قی پرسیارا مشتی رجا و خہم و ئہلہم  
دی ب بہر پیپکین عہرشی دادہم  
ئہری ما دبیت ری و ریازا تہ یا شاش بیت  
یان ژئ خواری لہوحہ و قہلہم؟!\*





## پڙست

لاپهڙه	بابهت
۵	شهرقانه کي ل هيڻيا بارينا باراني
۸	۱. شههره زاد.. ل بهري سڀڍي
۱۰	۲. بارانا سؤر
۱۲	۳. دلڙي من پي فيزه دڦريت
۱۴	۴. خاتر خواستن ژ داڻيڪي
۱۶	۵. ژفاني درهنگ
۱۷	۶. هيڻيهي ڪا ڪهل
۱۸	۷. ٺه يلوول
۱۹	سترا نا رونديڪين قهتيسڪري
۲۱	۱. ٺه ف رونديڪه چهنڊ ژ چافين من بيژارن
۲۳	۲. پيشمه رگه
۲۵	۳. شههيد
۲۶	۴. پيڻگوته ڪا ڪورت
۲۷	۵. ٺالائي نامويسا گران
۲۸	۶. بيٺنا خوبيئي
۲۹	۷. هه ر سي برا
۳۱	۸. جنهت
۳۳	۹. سترا نا داڻيڪا شههيد
۳۴	۱۰. بشتي شهري
۳۵	۱۱. وهه غرا پيشمه رگه کي ڊيرين
۳۶	۱۲. لهيلا قاسم

۳۷	<b>عەفرین.. خوتیا ل سەر برینان</b>
۳۹	۱. بەرخودان ژیاڤه
۴۵	۲. ئاقیستا...
۴۹	۳. بارین کوبانی
۵۳	۴. ل سوچده گه ها دارزەیتوونان
۵۷	<b>هەناسەیین ئاخێ</b>
۵۹	۱. هەمی ریک د چنە ئاشی
۶۴	۲. هەکو مرێ خوە هافیتیبە بەختی شەری
۶۸	۳. چافەرێ
۷۳	۴. هەستین ئافی
۸۰	۵. قەدەر دیواره کی خلولەیه
۸۵	۶. شعر
۸۷	<b>سەتمینا هەسپی بەزەک</b>
۹۰	۱. مەرگ و سازان
۹۳	۲. گورگ و گاران
۹۵	۳. دین و گومان
۹۷	۴. ژین و رامان
۹۹	۵. قەدەر و بازدان
۱۰۲	۶. دادوهر و دوړان
۱۰۴	۷. ئەز و یەزدان